

XITIVISO XA NKOKA-GOZA RA NTLAWA RA RIFUVA RA MIGODI (SILIKHOSISI) NA RIFUVA

Ntwanano wa Ndziriso eka goza ra ntlawa ra Rifuva ra Migodi (Silikhosisi) na Rifuva lowu fikeleriweke exikarhi ka tsevu wa tikhamphani ta migodi leti humesaka mali ya ndziriso - African Rainbow Minerals, Anglo American SA, AngloGold Ashanti, Gold Fields, Harmony na Sibanye-Stillwater – na vayimeri va swa nawu va vakoxi, wu pfumeleriwile hi Khoto ya le Henhla eJoni hi siku ra 26 Mawuwani 2019 naswona wu sungule ku tirha hi siku ra 10 N’wendzamhala 2019 endzhakukaloko swipimelo hinkwaswo swi hetisisiwile.

Swikoxo hinkwaswo ehenhla ka tikhamphani ta migodi leti humesaka mali ya ndziriso na swirho swa tona leswi tumbulukaka kusuka eka kumbe leswi fambelanakana na Rifuva ra Migodi na Rifuva, ku katsa na goza ra ntlawa leri ri sunguriweke emahlweni ka Khoto ya le Henhla, swa hakeriwa hi ku fambisana na swipimelo swa Ntwanano wa Mali ya Ndziriso.

U nga ha va u fikelela ku koxa ndziriso loko:

- a wu ri mutirhi wa le mugodini wa nsuku exikarhi ka 12 Nyenyankulu 1965 na 10 N’wedzamhala 2019;
- u tirhe eka wun’we kumbe kutlula wa Migodi leyi Fikelelaka (vona nxaxamelo lowu nga laha hansi) hi mikarhi leyi migodi leyi a yi ri ehansi ka vun’wini bya kumbe ku fambisiwa hi tikhamphani ta migodi leti humesaka mali ya ndziriso;
- u tirhe ntirho lowu wu ku vekeke eka xiyimo lexi nga na ritshuri ra silika; naswona
- u khomiwile hi Rifuva ra Migodi kumbe Rifuva KUMBE u Muhlayisiwa (tanihi xikombiso, nsati, n’wana kumbe muringani wa vutomi) wa mutirhi wa le mugodini wa nsuku loyi a nga lova.

HI KOMBELA U HLAYA XITIVISO LEXI HI VUKHETA TANIHILESWI XI NGA HA KHUMBAKA TIMFANELO TA WENA.

XANA I MANI A KATSIWEKE EKA NDZIRISO LOWU?

Ndziriso lowu wu khumba swirho swa Ntlawa hinkwaswo. U xirho xa Ntlawa loko u fikelela swilaveko hinkwaswo swa wihi kumbe wihi wa mune wa mitlawa leyi landzelaka:

Ntlawa wa 1:
Vanhu hinkwavo: <ol style="list-style-type: none">lava tanihileswi a swi ri xiswona hi siku ra 10 N'wendzamhala 2019 a va ri eku tirheni, kumbe ku nga si fika siku ra 10 N'wendzamhala va tirheke Ntirho wa Nxungeto. Ntirho wa Nxungeto wu hlamuseriwa eka Nawu wa Mavabyi ya le Ntirhweni eka Migodi na Mitirho, 1973 tanihi ntirho lowu tirhiwaka hi munhu loyi a vekiwaka eka xiyimo lexi nga na ritshuri leri mavumbelo na ntalo wa rona swi vavisaka kumbe swi kotaka ku vavisa, ku katsa na ku tirha ehansi ka misava eka mugodi wa nsuku; lava hi siku ra 10 N'wendzamhala 2019 va khomiweke kumbe va nga ta va va khomiwile hi Rifuva ra Migodi kumbe va nga ta va vile eka xiyimo lexi nga na ritshuri ra silika; lava va tirhaka kumbe va tirheke Ntirho wa Nxungeto eka wun’we kumbe kutlula wa Migodi leyi Fikelelaka (vona nxaxamelo lowu nga laha hansi) endzhaku ka 12 Nyenyankulu 1965; naswona lava nga hakeriwangiki swikoxo swa vona eka miririso leyi hetisisiweke eka nkarhi lowu nga hundza na Anglo American South Africa Limited na AngloGold Ashanti Limited hi siku ra 14 Nyenyankulu 2016 ana Anglo American South Africa Limited hi siku ra 19 Ndzati 2013, hi ku landzelelana ka swona.
Ntlawa wa 2:
Vahlayisiwa va vahi kumbe vahi va vanhu lava langutisisiweke eka Ntlawa wa 1 laha henhla lava a va lovile hi siku ra 10 N'wendzamhala 2019.

Ntlawa wa 3:
Vanhu hinkwavo: <ol style="list-style-type: none">lava tanihileswi a swi ri xiswona hi siku ra 10 N'wendzamhala 2019 a va ri eku tirheni, kumbe ku nga si fika siku ra 10 N'wendzamhala va tirheke Ntirho wa Nxungeto; lava hi siku ra 10 N'wendzamhala 2019 kumbe ri nga si fika va khomiweke kumbe va nga ta va khomiwile hi Rifuva; na lava va tirhaka kumbe va tirheke Ntirho wa Nxungeto eka wun’we kumbe kutlula wa Migodi leyi Fikelelaka (vona nxaxamelo lowu nga laha hansi) endzhaku ka 12 Nyenyankulu 1965.
Ntlawa wa 4:
Vahlayisiwa va vahi kumbe vahi va vanhu lava langutisisiweke eka Ntlawa wa 3 laha henhla lava a va lovile hi siku ra 10 N'wendzamhala 2019.

XANA HI XIHI XITANDZHAKU XA NDZIRISO LOWU?

Thirasiti ya Tshiamiso yi tumbuluxeriwile ku humelerisa swipimelo swa ndziriso na ku hakela ndziriso wa ximali eka vakoxi lava fikelelaka. Mukoxi loyi a fikelekaka u ta va na mfanelo ya ku kuma hakelo ya kan’we ntsena ya le xikarhi ka R10 000 na R250 000, swi ri karhi swi lawuriwa hi muxaka na mativikanelo ya vuvabyi lebyi na ku vaviseka loku twiwaka hi mukoxi loyi. Eka swiyimo swo tikisa swin’wana, mukoxi loyi a fikelelaka a nga ha kota ku kuma ntsengo lowukulu swinene, wa kufika eka R500 000.

- Mukoxi loyi a fikelelaka i munhu loyi a nga xirho xa wihi kumbe wihi wa mitlawa leyi vuriweke naswona a fikelelaka swilaveko swa Thirasiti ya Tshiamiso ku kuma ndziriso wa ximali.
- Swirho swa mitlawa hinkwaswo swi nga rhumela kumbe swa rhambiwa ku rhumela xikoxo eka Thirasiti ya Tshiamiso ku kuma ndziriso wa ximali, handle ka swirho swa ntlawa leswi hlawuleke ku huma eka ndziriso.
- Vuxokoxoko bya hilaha u nga rhumelaka hakona xikoxo byi nyikiwile laha hansi, na le ka webusayiti www.tshiamisotrust.com .

Swipimelo hi vutalo swa Ntwanano wa Ndziriso xikan’we na xiboho xa Khoto lexi pfumelelaka Ntwanano wa Ndziriso swa kumeka eka webusayiti leyi www.tshiamisotrust.com kumbe swi nga kumeka eka Thirasiti ya Tshiamiso (vuxokoxoko bya vutihlanganisi lebyi nga laha hansi).

A WU DINGI KU HAKELA MUNHU WIHI KUMBE WIHI NASWONA A WU FANELANGI KU ENDLA TANO KU PFUNIWA KU RHUMELA XIKOXO!

HILAHA U NGA NGHENISAKA HAKONA XIKOXO EKA THIRASITI YA TSHIAMISO:

MAENDLELO YA SWIKOXO:

Hi kombela u landzelela magoza lama:

- U nga kamba loko vuxokoxoko bya wena byi ri eka databeyisi ya Thirasiti ya Tshiamiso na loko u ri na xikoxo lexi nga tshukaka xi va kona hi ku ya eka pheji leyi nga eka webusayiti ya Thirasiti ya Tshiamiso https://www.tshiamisotrust.com/status-check/. U nga tlhela u bela riqingho eka senthara ya tiqingho ya Thirasiti ku kamba vuxokoxoko bya wena na loko u ri na xikoxo lexi nga tshukaka xi va kona.
- Webusayiti leyi nga laha henhla na senthara ya tiqingho swi ta tlhela swi ku byela Matsalwa yo Nghenisa lama u bohekaka ku ma rhumela tanihi xiphemu xa ku nghenisa xikoxo xa wena. Matsalwa lama ma nga ha katsa lama landzelaka:
 - khopi ya pasi ra wena, phasipoto kumbe vumbhoni bya nomboro ya wena ya mutirhi/indasitiri;
 - loko u ri Muhlayisiwa (tanihi xikombiso nsati, n’wana kumbe muringani wa vutomi) wa mutirhi wa le mugodini wa nsuku loyi a nga lova, khopi ya pasi, phasipoto kumbe vumbhoni bya nomboro ya mutirhi/indasitiri ya munhu yaloye a nga lova;
 - tirhekodo ta wena ta ku tirha eka Mugodi lowu Fikelelaka wihi kumbe wihi (vona nxaxamelo lowu nga laha hansi).
- Mukoxi loyi a nga ha tshukaka a va kona un’wana na un’wana u ta dinga ku buka nkarhi wa ku tihlanganisa ku kota ku nghenisa xikoxo xa yena hi ku bela riqingho eka senthara ya tiqingho ya Thirasiti. Ku na 50 wa tihofisi to nghenisa swikoxo leti kumekaka eAfrika-Dzonga na le ka xifundza xa SADC. Senthara ya tiqingho yi ta buka nkarhi wa wena wa ku tihlanganisa eka hofisi leyi nga ekusuhisuhi na laha u tshamaka kona. Mukoxi un’wana na un’wana boheka ku tinghenisela xikoxo xa yena hi yexe.

- Vakoxi lava va tshamaka eAfrika-Dzonga va nga bela riqingho eka nomboro ya mahala ya senthara ya tiqingho ya Thirasiti ya **080 1000 240** ku veka nkarhi wo tihlanganisa eka hofisi ya ka vona yo nghenisa ya le kusuhisuhi eAfrika-Dzonga.
- Vakoxi lava va tshamaka ehandle ka Afrika-Dzonga va nga ba nomboro ya *call back* ya Thirasiti ya **00 27 10 500 6186** ku veka nkarhi wa ku tihlanganisa eka hofisi yo nghenisa leyi nga etikweni ra ka vona. Hi kombela u tekela enhlokweni leswaku loko u bela riqingho eka nomboro leyi, ri ta rila wonge hi loko ri ri eku tirhisiweni. Endzhaku ka swona riqingho ri ta miyela kutani munhu un’wana kusuka eka senthara leya tiqingho u ta ku bela riqingho. Swi ri karhi swi lawuriwa hi muphakeri wa wena wa vukorhokeri bya netiweke ya selifoni kumbe riqingho ra le ndlwini, u nga ha dinga ku va na ethayimi ku sungula riqingho.

Hi kombela u tekela enhlokweni leswaku senthara leya tiqingho yi tirha ntsena kusuka hi 8 nimixo kufika hi 5 nimadyambu hi Musumbhunuku kufika hi Ravunthanu. Hi kombela u bela riqingho ntsena hi nkarhi wolowo.

- Hi siku ra nkarhi wa ku tihlanganisa ka wena, hi kombela u ta na Matsalwa yo Nghenisa hinkwawo lama u nga na wona eka hofisi yo nghenisa. Muofisiri wo Nghenisa Swikoxo u ta ku tsundzuxa hi leswi swi nga endliwaka hi mayelana na Matsalwa yo Nghenisa lama kayivelaka.
- Vakoxi hinkwavo va ta kamberiswa hi ku tirhisa swirho swa miri (migandlu ya tintiho, sw.sw.) ku tiyisisa vutitivisi bya vona hi ku hetiseka.
- Loko swi laveka, xikambelo xa swa vutshunguri xa mivuyelo xi ta lulamisiwa. Leswi na swona swi ta va hi ku vekiwa ka nkarhi wa ku tihlanganisa.
- Endzhaku ka swona xikoxo xa wena xi ta langutisisiwa hi Phanele yo Nyika Xitifikheti xa Vutshunguri na Komiti yo Nyika Xitifikheti ya Thirasiti hi ku fambisana na milulamiselo ya Thirasiti.
- Xikan’wekan’we loko xi pfumeleriwile, ndziriso wa ximali lowu u faneleke ku wu kuma wu ta hakeriwa eka akhawunti ya bangi leyi tiyisisiweke ya mukoxi hi ku fambisana na milulamiselo ya Thirasiti.

KU KUMA VUXOKOXOKO BYO TALA:

Endzela www.tshiamisotrust.com

<p>VUXOKOXOKO BYA VUTIHLANGANISI BYA THIRASITI YA TSHIAMISO HI LEBYI:</p> <p>Riq: Loko u tshama endzeni ka Afrika-Dzonga 080 1000 240</p> <p>Loko u tshama ehandle ka Afrika-Dzonga 00 27 10 500 6186.</p> <p>Imeyili: info@tshiamisotrust.com</p> <p>Whatsapp: (+27) 87 250 0066</p> <p>Webusayiti: www.tshiamisotrust.com</p>	
--	---

Migodi leyi Fikelelaka:	Free State Cons	Vaal Reefs 2	Harmony mine
Misava ya Afrika-Dzonga	FreeGold 2 na 4	Vaal Reefs 8 (Great Nologwa)	Merriespruit
Daggafontein	Freddies 7 na 9 (kufika eka mugodi wa Kades Barnea cc, Pamodzi, Target)	Vaal Reefs 9 (Kopanang)	Hartebeesfontein
East Daggafontein	Freegold 2, 4 (Tshepong, Phakisa)	Vaal Reefs 10 (Tau Lekoa)	Lorraine (Mihocho ya 1, 2 na 3)
Elandsrand	President Brand	Vaal Reefs 11 (Moab Khotsong)	Zandpan
Deelkraal (lowu tlhelaka wu vitaniwa Elandskraal)	President Steyn	Western Deep Levels	Mugodi wa Virginia
Kusasaletlu	Steyn 1,2 (kufika eka Kades Barnea, Pamodzi, Bambanani)	Mponeng (South Mine WDL 1)	Village Main Reef
Western Holdings	Steyn 3, 4 (FreeGold 1, kutani ku va Bambanani)	Tau Tona (East Mine WDL 3)	Western Areas (kufika eka South Deep)
(1,2,3,4,6,7) (ARMGold)	Brand 1, 2, 3, 5 (Steyn 5 kufika eka 8)	Savuka (West Mine WDL 2)	South Deep
Matjhabeng (Western Holdings na 4 wa mihocho yin’wana ya Kudu, Nyala, Sable, Eland leyi a ku ri khale ka mihocho ya Freddies na Free State Geduld)	HJ Joel / Joel	St Helena	Beatrix (ku katsa na Oryx)
Saaiplaas 2,3	Western Reefs (leyi hlanganisiweke na Vaal Reefs)	Evander (ku katsa na migodi ya Kinross, Leslie, Bracken na Winkelhaak)	Oryx (kufika eka Beatrix)
Saaiplaas 4,5 (Masimong) (FreeGold 3)	Vaal Reefs (1,3,4,5,6,7)	Randfontein Estates	Driefontein (ku katsa na East Driefontein, West Driefontein na Driefontein Cons)
Free State Geduld		Doornkop	Kloof (ku katsa na Leeudoorn kusuka hi siku ra 1
		Cooke 1, 2 na 3 (Rand Uranium)	Sunguti 1993, Libanon na Venterspos)
		Cooke 4 (Ezulwini)	
		Unisel	St Helena (Xiyenge xa Beisa)